

Isaias 55

Señor ta ofresé un aliansa nobo

1.

1. “Hei, ban mira, boso tur ku tin set, ata awa aki, bini! Tur ku n’ tin plaka, tambe . Bin tuma ko’i kome! Ta pornada! Tur hende, bin tuma biña ku lechi! Bo n’ tin ku paga nada.

2. Pakiko gasta sén na pan ku no ta fudu bo? Pakiko uza e sén ganá ku sodo di bo frenta pa kumpra kuminda ku no ta yena bo barika? Paga tinu na mi palabranan. Kome kos ku ta fudu bo, gosa di dje barika yen! Bini serka Mi i skucha; si boso skucha, boso ta biba.

3. Bini serka Mi i skucha; si boso skucha, boso ta biba plenamente. Mi ta kompremeté Mi pa semper, Señor ta bisa, pa duna boso e amor fiel ku M’a primintí David.

4. Te nombra prínsipe i soberano riba pueblonan, pa duna nan testimonio di mi poder.

5. Awor abo tambe, Israel, lo hasi un yamada na nashonnan straño i deskonosi i e hendenan aki ku no konose bo lo bini na kareda serka bo. Pasobra M’a duna bo gran prestigio, Ami, Señor, bo Dios, e Dios Santu di Israel.” Serka Dios priminti ta debe.

6. Buska Señor, awor ainda E ta laga bo hañ’ é; hasi un apelasion riba djE, awor ainda E ta serka.


7. Laga hende ku no tin kunas ku Dios drecha nan bida, laga mal hende stóp di pensa kos malu. Laga nan bolbe serka Señor, E ta tene piedat di nan. Laga nan bolbe serka nos Dios, e ta duna gran pardon.

8. Señor ta bisa: “Mi pensamentunan no ta di kompará ku boso pensamentunan, mi moda di hasi no ta boso moda di hasi.

9. Mes haltu ku shelu ta pasa tera, mes leu mi manera di hasi ta for di esun di boso i mi pensamentunan ta pasa boso pensamentunan.

10. Awaseru i sneu ta kai fo’i shelu, pero no ta subi bai shelu bék sin logra algu: nan ta muha tera, hasié fértil i laga trigo nase. E ora ei tin pan pa kome i simia p’un kosecha nobo.

11. Asina tambe ta pasa k’e palabra fo’i mi boka. E no ta bolbe serka Mi sin a logra su meta. E ta bolbe te ora e kumpli ku mi boluntat i alkansá e meta ku Mi a pone p’e.”

A person is sitting in a field, looking towards the camera. The background shows a sunset or sunrise with a large, bright sun partially obscured by clouds. The person is wearing a light-colored, long-sleeved shirt and dark pants. The overall scene is peaceful and contemplative.

12. Kontentu boso lo Sali for di Bábel, lo hiba boso seif boso kas bek. Na kaminda di regreso seru i seritu lo basha gritu di húbilo, palunan lo bati man,

13. mata di sumpiña lo traha lugá pa siprés, bringamosa pa watakeli. Tur esaki ta na honor i gloria di Señor. Nan ta señal indestruktibel, rekuerdo eterno, di loke El a hasi pa boso.